

غلطة

دايما بسأل نفسي

ممکن يكون حبك غلطة حياتي

ولو كان غلطة حعتذر

لمين

أعتذر للأيام أم أعتذر لذاتي

شقيت نفسي فيك

والليل شاهد علي أهاتي

ولو أنت غلطة.. خلاص

دفنت في قبرك رفاتي

سرقتي الحلم مني

ومش باقي غير مناجاتي

زرعت في دنياك كل الحب

وبنيت لك في الفضا قصور و أحلام

ورضيت بسراب وخيال وأوهام

خدي قلبك اللي جرحني

وخلي عيوني مابتنام

وشيلي من جوايا كل ذكراك

وخليني مره أعيش في سلام

قلبي م البعد بيبكي

وياريت البُكا بيشفي

ولو سألتني الحزن عني

حتلاقيه للناس بيحكي

عن حالي وعن وجددي

ياريت الألم يرحمني

دنا بلاقيه مني بيشكي

ليه علمتيني الهوي
في مدرسة هواك
وبعد ما أنجح ماتقوليش مبروك
وجايه تواسيني وتقدمي عزاك
ياريت كنت تلميذ خايب
وما نجحت في مدرسة هواك
كنت فاكر أني بحبك عليت
وأخذت كل شهايد الحب
ولعلا قلبك رسيت
ودلوقت بصرخ وأتألم
وأقول ياريت.. ما حبيت
... ولا للحب نويت
قولتيلي في الحب كل الأشعار

وعرفت إنه بس شعار

أمل صعب وغدار

أسي ومرار

بطعم الصبار

وأديني عايش محتار

بين الأسي والأفكار

وقاد في قلبي حريق

وتهت عن الطريق

وصار قلبي في بحرك غريق